

МЕСЯЦ ДЕКАБРЬ,

имеяй дней 31

В 1-й день

**Святаго пророка Наума
Аллилуия или тропарь.**

Стихиры, глас 3.

Подобен: Велия Креста Твоего:

Благодать Святаго Духа / вселися в тя, Божий пророче, / и своею лучею содела свещу пресветлу / и тобою проповедает будущая Ниневии великому.

Облак светозарен явился еси, / искапая, Науме, Божий пророче, Богознания тучу, / и напоил еси пивом Божия суда Ниневию град, / нечестием болевший абие.

Благославия нетленного причастник быв, / Науме, Божий пророче, / и неизреченныя славы, и радости несказанныя, / и сладости Божественныя, / о нас моли, Богодохновенне, всех Владыку.

**Ины стихиры Богородицы,
глас и подобен тойже:**

(Аще же аллилуия, поются стихиры прежде Богородицы, потом святаго.)

Ору́жием уязвлена мя суща зми́ным, / е́ле жи́ва,
Отрокови́це, / на одре лежа́ща отча́яния, / исцели́
вскоре лечбо́ю Твоея моли́твы / и раба́ сотвори́
Сы́на и Бо́га Твоего́.

Веду́щи немо́щь мою́ телесную / и душе́вную
болезнь, се́рдца же озлобле́ние, / посеще́ния сподо́-
би мя Боже́ственного, Всенепоро́чная Де́во, / и
спаси́, молю́ся, / те́плою Твоею моли́твою.

Всех превзыдо́х, Влады́чице, согреше́ньми, / но
мно́жество, Де́во, сих очисти́вши, / ми́лости Твоея
ра́ди улучи́ти мне прощ́ение / в б́удущем Суде́,
Чи́стая, сподо́би, / Сы́на и Бо́га Твоего́ моля́щи.

Сла́ва, и ны́не, Богоро́дичен:

Де́во, из Тебе́ Ро́ждшагося моли́ / ста́до Твое́
сохрани́ти невре́дно / от вся́каго искуше́ния про-
ти́вника диа́вола / и испо́лнити всю во́лю Сы́на
Твоего́ / укрепи́, Отрокови́це.

Крестобогоро́дичен:

Ору́жие се́рдце Твое́ про́йде, Пречи́стая, / егда́
Сы́на Твоего́ на Кресте́ ви́дела еси́ и вопия́ла еси́: /
не безча́дну Мя покажи́, / Сы́не Мой и Бо́же Мой, /
соблюди́й Мя по рождестве́ Де́ву.

На стихо́вне Окто́иха.

Тропа́рь, глас 2:

Проро́ка Твоего́ Нау́ма па́мять, Го́споди, праз-
дную́ще, / тем Тя мо́лим: / спаси́ ду́ши на́ша.

НА УТРЕНИ

Кано́н, глас 5. Творе́ние Феофа́ново.

Песнь 1

Ирмо́с: *Коня́ и вса́дника в мо́ре Чермно́е /
сокруша́яй бра́ни мы́шцею вы́сокою / Христо́с
истрясе́, Изра́иля же спасе́, / победную́ песнь
пою́ща.*

Науме́, Бо́жиим пома́зався, Богоприятне́, Ду́-
хом / и Сего́ благода́тию просвещ́ся, / тем, Боже́-
ственное прозре́ние ума́ твоего́ чту́ще, / ублажа́ем
тя, всеизря́дне.

Свѣ́ше огласи́вши, проро́че, твою́ ду́шу, / Ду́ха
благода́ть проро́ческое де́йство досто́йно вдохне́ /
и Богодохнове́нен язык твой устрои́, досточу́дне.

Орган явился еси, ударяемь Духа бряцалом, / ревнителя Бóга воспевая / и всем вещая Божественнаго судá нелицемѣрие, достославне.

Богорóдичен: Преблагословенная Дѣво Всечистая, / верою Тя и любовью, яко Бóжию Матерь Честную, / поющая спасай от бед, / решащи неукротимое свирепство.

Песнь 3

Ирмос: Водрузивый на ничесомже зѣмлю повелѣнием Твоим / и повесивый неодолимо тяготѣющую, / на недвижимем, Христѣ, камени заповедей Твоих / Цѣрковь Твою утверди, Едине Блаже и Человеколюбче.

Причастием Животворящаго и Божественнаго Духа / душею был еси Боговиднейший: / темже и дальная яве всем предвозвещати Божественным мановением / ты предпочистился еси, Богодохновенне.

Суд на враги отмщѣния предзрел еси, блаженне Боговиднейше, / преобидящих нечестивых Бóжие долготерпение, / и милость, и благостыню от неисцельных злобы.

Богорóдичен: Иже дрѣвле от небытия сотворивый всяческая, / из Твоея святыя утробы проходит, Человек быв, Чистая, / за человеколюбие превеликое Человеколюбец, / да человеки избавит.

Седáлен, глас 5.

Подóбен: Собезначальное Слово:

Несмѣсен начертанием дóльным, славне, ты, ум стязав, / Божественнаго Духа чистѣйшее, Науме, приятелище был еси, / осияние Егó приѣмля свѣтло и все облистая; / тем тя молим: / о мѣре мѣра молися.

Слáва, и ныне, Богорóдичен:

Из Тебѣ воплощагося Бóга и Гóспода нас ради, истлѣвших прегрешеньми, / моли прилѣжно уцѣдрити ны / и отвратити ярость и гнев Свóй, Чистая, / от иже верою чтущих и хвалящих непрестанно силу и державу Егó.

Крестобогорóдичен:

На Кресте зрящи Тя, Христe, Мати Твоя, / волею
посредe разбойников висяща, / растерзающися
утробою, матерски глаголаше: / безгрешный Сынe,
/ како неправедно на Кресте, якоже злодей,
пригвожден еси, / человеческий род хотя оживити,
яко Благоутробен.

Песнь 4

Ирмос: Божественное Твое разумев истощание
прозорливо, / Аввакум, Христe, со трепетом вопи-
яше Тебе: / во спасение людей Твоих / спасти
помазанныя Твоя пришел еси.

Сияя зарею Духа, / ниневитяном прещении запу-
стения предвозвестил еси, / Божия силы проявляя,
Богоявленне, неизбежное.

Суд праведный Зиждителя повeдаеши, / лютое
всегубительство людем враждебным, / яко проро-
чествуя, провещал еси, Науме, / Божий пророче
всеблаженне.

Смиренномудрием украшаема, пророка Твоего
душа / к Боговидению Твоему, Блаже, преесте-
ственно взяся / и Божественнаго видения светло-
сти.

Богорóдичен: Марие, Госпоже твари, / Царя
всех рождши, едина Всепетая, / страстей мучи-
тельства свободна мя покажи молитвами Твоими.

Песнь 5

Ирмос: Одейся светом, яко ризою, / к Тебе
утренюю и Тебе зову: / душу мою просвети омра-
ченную, Христe, / яко Един Благоутробен.

Непорочно и чисто житие стяжати / действием и
просвещением Святаго Духа, Науме, сподобился
еси, / пророче чудный.

Плоть покорил еси самодержцу уму, / усердно
восхождения в сердца положив: / темже явления
Боголепнаго получил еси.

Паче видимых почестей суть, / иже пророче-
ством почествованных, / теми бо вещает Святыи
Дух — Преблагий Господь.

Богорóдичен: Нижé ум Небéсный и́стинно воз-
мóжет Тя, Богомáти, пéти достóйно:/ Зижд́ителя
бо родилá ес́и,/ Небéсными певáемаго С́илами.

Песнь 6

Ирмóс: Ней́стовствующе́ся буре́ю душетлén-
ною,/ Влады́ко Христé, страстéй мóре укрот́и/ и от
тли возвед́и мя,/ я́ко Благоутрóбен.

Божéственныя благодáти я́вльшася храм, вёр-
нии,/ и приятелище преч́истое б́ывша,/ пáче умá
Богоявлéния воспóйм.

Божéственнаго Д́уха приéм незаход́имую зарю́ /
и ум Божéствен стяжáв,/ благочест́ивыя к песно-
пéнию наказ́ует.

Богорóдичен: Мы́сленныя С́илы Тя и челове́че-
стии вси рóди,/ я́ко Бóга рóждшую, слáвят все-
гдá,/ Благословéнная Всенепорóчная.

Конда́к, глас 4.

Подóбен: Я́вился ес́и:

Просвет́ившееся Д́ухом ч́истое твоé сёрдце/
прорóчества бысть светл́ейшаго приятели-
ще:/ зр́иши бо, я́ко настоя́щая, далéче с́ущая;/ сегó
ра́ди тя почита́ем,/ прорóче блаже́нне Нау́ме
слáвне.

Песнь 7

Ирмóс: Превозно́симый отцéв Господ́ь / пла́мень
угас́и, óтроки орос́и,/ соглáсно пою́щия:/ Бóже,
благословéн ес́и.

Я́ко Богов́иднейша прорóка имúще, ликóв на-
чáльника,/ чéстно прáзднуем, Божественне, пес-
нопою́ще:/ Бóже, благословéн ес́и.

Тя, Духодв́ижимаго позна́вше оргáна и цевни́цу
Богодохновéнну,/ призывáем заступ́ника, пéсньми
пою́ще:/ Бóже, благословéн ес́и.

Венчá тя Господ́ь прорóка, ч́удне,/ и благодáть
тебé даде́ предглаго́лати б́удущая,/ Емúже вси
песнопоéм:/ Бóже, благословéн ес́и.

Богорóдичен: Дверь непроход́имую прорóк в́иде
Тя, Дéво Преч́истая,/ ю́же Ед́ин прóйде;/ Емúже
вси песнопоéм:/ Бóже, благословéн ес́и.

Песнь 8

Ирмос: Тебѣ, Вседѣтелю, / в пещи́ ѡтроцы, всемирный лик сплѣтше, пояху: / дела́ всякая, Гѡспода пойте / и превозносите во вся вѣки.

Невещественною зарѣю Начальныя Троицы, пророче, обожаемъ, / поѣши, радуясь: / вся дела́, Гѡспода пойте и превозносите во вся вѣки.

Священнолѣпно священную твою́ пѣмь, пророче чудный, чтуще, поемъ: / вся дела́, Гѡспода пойте и превозносите во вся вѣки.

Богорѡдичен: Укрепи́, Чистая, ду́шу мою́, / разслабленную прегрешѣньми и страстьми́, / яко да воспою́, Дѣво, Твое́ Рождество́, / препрославленное во вся вѣки.

Песнь 9

Ирмос: Исѡе, лику́й, / Дѣва имѣ во чрѣве и роди́ Сына Еммануила, / Бѡга же и Человѣка, Востокъ Имя Емү́, / Егѡже величающе, Дѣву ублажаемъ.

На земли́ равноангельное житиѣ имѣл еси́ войстинну / и ны́не на Небесѣх со Ангельскими лики вселился еси́ близ Свѣта Трисияннаго, / Егѡже насыщаяся, назирай поющия тя.

Тя Бѡгу приводим о ми́ре, блаженне, моли́твенника, / моли́ прилежно, пророче, яко дерзнове́ние имѣя, / дати́ вѣрным благолѣпно пребывающее вѣчное избавленіе.

Богорѡдичен: Яко Бѡга рѡждшую, сугуба же и соестественна, / имену́ем Тя, вѣрнии, Богоглаго́ливо Богорѡдицу Пречистую всеистиннымъ званіем, / честное́ Рождество́ проповѣдающе, Всесвятая́ Богоневѣсто.

Свети́лен дне. На стихѡвне Октоиха.

Святой пророк Наум — седьмой (по порядку Священных Книг) из двенадцати малых пророков. Сам он называет себя Елкосеянином (1, 1). Происходил из колена Симеонова, из селения Елкес или Елкош. По свидетельству блаженного Иеронима (†420, память 15 июня), Елкош — небольшое селение в Галилее, остатки которого он лично осматривал. Вероятно, после ассирийского нашествия святой Наум

переселился в Иудею и пророчествовал там в 700-х годах до Рождества Христова. Он был современником пророка Исаии (VIII в. до Рождества Христова, память 9 мая).

Главное содержание книги святого Наума — это пророчество о падении и гибели Ниневии — столицы Ассирийского царства — угрожавшего всему Востоку, предсказание бедствий, которые праведный


Господь наведет на этот город, и яркое изображение окончательного разрушения этого великого и сильно укрепленного города. «Благ Господь, убежище в день скорби, и знает надеющихся на Него. Но всепотопляющим наводнением разрушит до основания Ниневию, и врагов Его постигнет мрак» (1, 7—8).

Пророчество святого Ионы (VIII в. до Рожд. Христова) о гибели Ниневии не было отменено, но лишь отсрочено. Ниневитяне, покаявшись на малое время после проповеди пророка Ионы, избежали наказания, а затем снова обратились к прежним своим злым делам, видя, что на них не сбылось его пророчество. Этим они прогневали Бога и оскорбили Его долготерпение. «Господь долготерпелив и велик могуществом, и не оставляет без наказания» (1, 3). «Горе городу кровей! Весь он полон обмана и убийства; не прекращается в нем грабительство» (3, 1).

Увлекаясь страстями и совершая беззакония, ниневитяне любили только себя, а в отношении к другим руководились своим самолюбием и жестокостью. Ниневия различными хитростями и коварными договорами привлекала к себе народы, подчиняла своей власти. Израильское царство они окончательно разрушили при царе Салманассаре около 723 г. до Рождества Христова. Преемник Салманассара — ассирийский царь Сеннахирим вслед за тем совершил наступление на иудейское царство и подошел к Иерусалиму. В одну ночь Ангел Господень истребил многочисленное его войско (4 Цар. 19, 35). Но иудейский народ со страхом ожидал новых нападений. Тогда-то и раздался голос пророка Наума: «бедствие уже не повторится», «более не буду отягощать» (1, 9, 12).

Высказав Божественное определение о погибели Ниневии, пророк переходит к описанию исполнения этого грозного суда Божия. Перед его пророческим взором во всех подробностях совершается то, что в действительности исполнилось примерно через 100 лет.

Он видит нападение на Ниневию сильного и могущественного войска (2, 13) вавилонян в союзе с мидянами, бегство и отведение в плен ее жителей, разграбление несметных сокровищ.



вищ. «Несется конница, сверкает меч и блещут копья; убитых множество и груды трупов; нет конца трупам, спотыкаются о трупы их» (3, 3). Пережившие эту трагедию вздохнут от ужаса, и колени их будут дрожать (2, 10), как лист. Разрушение Ниневии будет окончательное, рана смертельна. Видящие ее падение возвеселятся и восплещут руками (3, 19), ибо они испытали на себе злобу Ниневии, а теперь являются свидетелями победы над злом и торжества справедливости.

Не одним только предсказанием о гибели Ниневии ободряет пророк. Блаженный Феодорит замечает: «... есть в книге и пророчество о Спасителе такое: «Взыде вдыхаяй в лице твое» (2, 1), ибо как в Адама Бог вдунул дыхание жизни, так и Владыка Христос, возобновляя сей образ, дунул на апостолов и глагола: примите Дух Святыи. Поэтому и под всем сокрушенным царством ассириан, в Книге Наума, мы разумеем власть диавола, побежденную Владыкою Христом, а под ликующим Иудкою разумеем ликующую о спасении вселенную».

Слова пророка: «Вот... стопы благовестника, возвещающего мир» —

святой апостол Павел (Рим. 10, 15) относит к новозаветным благовестникам мира. Подтверждением пророчества является то, что в наше время последователи Самого Господа мира (2 Фес. 3, 16) вместе со всеми людьми осуществляют благословенное миротворческое делание во имя сохранения мира и самой жизни на Земле.

Святой пророк Наум вдохновенно говорит о всемогуществе Бога, объем-

лющего всю вселенную (1, 4—6), предсказывал о различных исторических событиях, совершившихся впоследствии. По преданию, пророк Наум скончался 45-ти лет от роду и погребен в своем отечестве.

Книга пророка Наума позволяет увидеть характер ее автора, его нравственную мощь, то, чем был его глас для соотечественников и является ныне для наших современников.

В
ТОЙЖЕ
ДЕНЬ



Святáго Филарéта Мíлостиваго

НА ВЕЛÍЦЕЙ ВЕЧÉРНИ

По предначинáтельном псалмé, Блажéн муж: 1-й антифóн. На Гóсподи, воззвáх: стихíры на 8, глас 4:

Приидíte, празднолюбцы, / и днесь собóрне притецýте: / прáздник совершáется свéтлый и благознаменítый, / в óньже трапéзу добродéтелей всяческих / предлагáет нам мíлостивый войстинну Филарéт. / Молítвы убо насладжéние и весéлия Небéснаго истóчник явлáется: / жáждущии, приступíte.

Приидíte, веселящеся, / и, яко на вéчери духóвней ликовствýюще, / возгласím пéсни достóйныя: / óтче Филарéте, / ты войстинну, по íмени своему, всякую добродéтель возлюбíl есí, / íмени бо твоёмý согласная показál есí деяния, / в нихже обрёл есí лéствицу восхождéния на Небо.

Дал есí убóгим, / расточáя богáтство твое, мíлостиве Филарéте, / сего ráди пребывáет прáвда твоя, якоже Давíд глаголет, / и в пáмь вечную вёрным бóдет, всехвáльне. / Днесь úбо всечестнóу пáмь твою любóвию прáзднующе, / достóйно чтим тя, / яко изрядна богáтства раздáтеля.

Никáкоже земля изнóсит тебе в дéлех твоих / по закóну клятвы тёрния и вóлчцы в наказáние, / якоже дрéвле праóтцу Адаму, / но благословéния орошéнием / клас возвращáет ти многоплóдный. /

Сего ради умножился еси милостынею ко убогим, / от неяже носиши проименование, милостиве Филарете.

Якоже Абель праведный избранная от стада принесё Господу, / такожде и ты, яко благий земледельатель, в житий твоём / не точною начатки плодов, / но и вся, яже принимал еси, блаженне, / подавал еси нуждающимся, / в нищете же и сам жительствовал еси, / нападением демонским / не изменен быв во твоём произволении.

Восприял еси криле, / ихже древле вожделе Давид, / любовь к Богу и ближнему / и подражание Христу, Богомудре, / имиже возлетел еси, отче, на горы мысленныя совершенства / и тамо почил еси, / веселяся со всеми праведными и преподобными, / блаженне Филарете.

Слава, глас 6:

Даяние человека распространяет его, / глаголет притча, / и с сильными посаждает его. / Воистинну и ты, распространяемь, жительствовал еси, всеславне Филарете: / зане отверзая, отверзал еси / рuce твой брату твоёму нищему. / Последи же и из проста в славна возведен был еси, / присным быв Христоименитаго царя, / Богу ты в скорби распространяющу, / яко возлюбившу твоё благосострадательное произволение: / Богу бо возлюблена есть милостыня.

И ныне, глас тойже:

Сионе, торжествуй, Иерусалиме, веселися, / граде Христа Бога, прими Зиждителя, / в вертепе и яслех полагаемаго; / отверзите ми врата, / вшед в ня, узрю яко Младенца повиваемаго, / дланию же содержащаго тварь. / Егоже поют Ангели непрестанным гласом, / Жизнодавца Господа, / спасающаго род наш.

Вход. Свете тихий: Прокимен дне.

Бытия чтение (глава 18):

Явился Аврааму Бог у дуба Мамврийска, / сидящу ему пред дверьми сени своей в полудни. / Возрев же очима своим, виде, / и се Три Мужие стояху над ним, / и, виде, притече в сретение Им от дверей сени своей, / и поклонися до земли, и рече: /

Господи, аще ўбо обретохъ благодать предъ Тобою, / не минй раба Твоего. / Да принесется вода, и омьются ноги Ваши, / и прохладитесь под дрѣвом. / И принесу хлеб, да ясте, / и посемъ пойдете в путь Свой, / егѡже ради уклонитесь к рабу Вашему. / И рекѡша: / тако сотвори, якоже глагола еси. / И потщася Авраамъ в сень к Сарре и рече ей: / ускори, и смеси три мѣры муки чисты, / и сотвори потребники. / И течѣ Авраамъ ко кравамъ, / и взя тельца млада и добра, / и даде рабу, и ускори приготовить е. / И взя масло, и млеко, и тельца, егѡже приготовить, / и предложй имъ, и ядоша, / самъ же стояше предъ Ними под дрѣвом. / Господь же рече: / еда утаю Азъ от Авраама, раба Моего, / яже Азъ творю? / Авраамъ же, бывая, будетъ в языкъ великъ и многъ, / и благословятся о немъ вси языцы земнии. / Вемъ бо, яко заповѣсть сыномъ своимъ / и дому своему по себѣ, / и сохранятъ пути Господни, творити правду и суд.

Иова чтѣние (глава 1):

Человекъ некийъ бѣше во странѣ Авситидийстей, / емуже имя Иовъ. / И бе человекъ онъ истиненъ, / непороченъ, праведенъ, благочестивъ, / удаляяйся отъ всякия лукавыя вещи. / Бѣша же ему сынове седмь / и дщери три. / И бѣху скоти егѡ: / овецъ седмь тысящъ, / велблюдовъ три тысящи, / супругъ волѡвъ пять сотъ, / и ослицъ пасомыхъ пять сотъ, / и слугъ много зело, / и делъ велия бѣху ему на земли, / и бе человекъ оныйъ благороднейшй сущихъ отъ востокъ солнца. / И бысть яко день сей, / сынове Иовлевы и дщери его пяху вино въ дому брата своего старейшаго. / И се вѣстникъ прииде ко Иову, и рече ему: / супруги волѡвъ оряху, / и ослицы пасяхуся близъ ихъ. / И, пришедше, пленители пленisha ихъ / и отроки избisha мечемъ, / и спасохся азъ единъ, / и приидохъ возвестити тебѣ. / Еще сему глаголющу, / прииде инъ вѣстникъ, и рече ко Иову: / огонь спадѣ с небесѣ, и пожже овцы, / и пастыри поядѣ подобне, / спасохся же азъ единъ / и приидохъ возвестити тебѣ. / Еще сему глаголющу, прииде инъ вѣстникъ, и рече ко Иову: / конницы сотвориша начальства три, / и окружиша велблюды, и пленisha ихъ, / и отроки избisha мечми, / спасохся же азъ единъ / и приидохъ возвестити тебѣ. / Еще сему глаголющу, инъ вѣстникъ

прииде, глаголя Йову: / сынóm твоим и дщере́м твоим / ядущим и пию́щим у брата́ своего́ старейшаго, / внезапу́ ветр вели́к на́йде от пусты́ни / и косне́ся четы́рем углу́м хра́мины, / и паде́ хра́мина на де́ти твоя, и сконча́шася, / спасо́хся же аз еди́н / и приидо́х возвестíti тебе́. / Та́ко (услы́шав) Йов, / воста́в, растерза́ ризы́ своя, / и остриже́ власы́ главы́ своея́, / (и посы́па перстию́ главу́ свою), / и, пад на зе́млю, поклони́ся (Го́сподеви), и рече́: / сам наг изыдо́х от чрева́ ма́тере моея́, / наг и оты́ду та́мо. / Госпо́дь даде́, Госпо́дь отъя́т, / я́ко Го́сподеви изво́лился, та́ко бысть. / Буди́ Имя́ Госпо́дне благослове́но во ве́ки. / Во всех сих, приключи́вшихся ему́, ничто́же согреши́ Йов пред Го́сподем, (ниже́ устна́ма своима), / и не даде́ безу́мия Бо́гу. / Госпо́дь же благослови́ последняя́ Йовля, не́же пре́жня.

Премудрости Соломоновы чтение (глава 5):

Праведницы́ во ве́ки живу́т, / и в Го́споде мзда их, и попече́ние их у Вы́шняго. / Сего́ ра́ди прииму́т Ца́рствие благоле́пия / и венец добро́ты от руки́ Госпо́дни, / зане́ десницею́ покрывает я и мышцею́ защити́т их. / Прииме́т всеору́жие рвение́ свое / и воору́жит тварь в месть враго́м. / Облечётся в броня́ правды / и возложит шлем—суд нелицеме́рен. / Прииме́т щит непобеди́мый—преподо́бие, / поостри́т же напрасный́ гнев во ору́жие, / спобо́рет же с ним мир на безу́мныя. / Пойдут праволу́чныя стрéлы мо́лниины, / и, я́ко от благокру́гла лу́ка облако́в, на наме́рение полетя́т. / И от каменомётныя́ я́рости испо́льн паду́т гра́ды, / вознегодует на них вода́ морская́, / ре́ки же потопя́т я на́гло. / Сопроти́в ста́нет им дух си́лы / и, я́ко ви́хор, разве́ет их, / и опустоши́т всю зе́млю беззаконие́, / и злоде́йство преврати́т престолы́ си́льных. / Слы́шите убо, ца́рие, и разумейте, / навы́кните, судий конце́в земли́. / Внушите́, держа́щи мно́жества / и гордя́щиися о наро́дех язы́к, / я́ко дана́ есть от Го́спода держа́ва вам / и си́ла от Вы́шняго.

На литии стихиры, глас 1:

О, крѣпкія и адама́нтовыя душі твоея, / достоублажа́еме Филаре́те! / ты бо, Небѣсных всем желани́ем взыску́я, / сущая на землі нивотѣже вменя́л еси. / Сего́ ра́ди ни десная, ни шу́яя возмого́ша сокруши́ти крѣпость предложѣния твоего́, / благоизво́льне же скорби прия́л еси́, подража́я Христу́. / Яко́ убо сла́вно улучивый желаніе твое, / поминáй нас, чту́щих тя, о́тче пресла́вный.

Глас 2:

Дал еси́ от душі а́лчущим хлеб твой / и ду́ши смиренныя насы́тил еси́, / Христоподража́тельно Филаре́те, / сего́ ра́ди возсия́, по проро́ку, во тьме свет твой, / и тьма твоя бысть, яко́ полудне. / Бог бе с тобо́ю присно. / Исполни́ся душа́ твоя, и ко́сти твоя утучне́ша, / яко́ вертоград напоенный, / ему́ же не оскуде́ вода: / се́яй бо во благословѣнии, / во благословѣнии и по́жнет.

Око был еси́ слепым, нога́ хромым / и отец немощным, всему́дре Филаре́те, / ве́дый, я́ко слепец ми́луемый / бла́гий вождь есть в Ца́рствіе Небѣсное, / и стена́м приража́йся и па́даяй в ров от немо́щи, / руко́ю же милосердія подьѣмлемый / уготавли́ет путь восхожде́нию на Не́бо. / Си́це убо и ты, возше́д к Седя́щему на вы́соких, / вы́ну предсто́йши Ему, моля́ спасті́ся от всякаго зла / соверша́ющим и любóвию чту́щим святу́ю па́мь твою.

Слава, глас 5:

Вѣлія ми́лостыни си́ла: / с вѣлиим бо дерзнове́нием вво́дит в Ца́рствіе Небѣсное, / зна́ема сущи храня́щим двѣри черто́га Небѣснаго, / и а́ще кѣих позна́ет, чту́щих ю, / с вѣлиим вво́дит дерзнове́нием. / Сие начертá трость Богослóвская, / твоя же щедрода́тельная рука́ де́лом утверди́, Филаре́те: / благодерзнове́нно бо восходи́л еси / и невозбра́нно вшел еси в Ца́рствіе Небѣсное, / яко́ ми́лостивый, всеблаже́нне.

И ны́не, глас тойже:

Ублажа́ем Тя, Богоро́дице Де́во, / и сла́вим Тя, ве́рнии, по до́лгу, / град сущую непоколебимый, и

стѣну необорѣмую, / и предстательство и прибѣжище душ наших.

На стиховне стихѣры, глас 1.

Подобен: Небесных чинов:

Возсиявает на тверди церковней / светоносная, отче, память твоя, / яко заря Солнца Неприступного, / из облака света возсияющего в Вифлееме / и лествичную многобожия потребляющего.

Стих: Праведник, яко финикс, процветет, / яко кедр, иже в Ливане, умножится.

Паче солнца возсиявшее миру житие твое / лучи милосердия испустит, / разгоняющая нищеты мрачный облак / и мразом скорбей одержимым жизненную теплоту подающая, / всеблаженне Филарете.

Стих: Весь день милует и взаим дает праведный, / и семя его во благословение будет.

Совершающим нам верою всесветлую память твою, / моли, отче, по многому твоему к Богу дерзновению, / избавитися мрака страстей и всяких напастей жития / и улучити с тобою радости нескончаемыя.

Слава, глас 8:

Богатством изобилуй и стады, / яко новый Иов, во благодати показуешься, / не точию во обилии праведен, но и в терпении непорочен: / внезапно бо, якоже он, всего стяжания лишився, / ниже усты противу Господа согрешил еси, / ниже дал еси безумия Богу, терпеливейший. / Сего ради еще и в сем животѣ / большими, паче прежних, благами воздаде правде твоей Господь правосудный, / последи же, к Нему отшедша, / венцем терпения увенчаннаго, Себе представи. / Дерзновение убо стяжав к Нему, / молися прилежно спастися нам, Филарете преславне.

И ныне, глас тойже:

Вифлееме, уготовися, / украситесь, ясли, / вертепе, прими Грядущаго с Небес: / Бог из Девы явися человеком, / восприим наш образ и обожив восприятие. / Сего ради обновляется Адам со Евою, взывая: / на земли явися благоволение, / во еже спасти род наш.

Тропáрь, глас 4:

Авраáму в вѣре подражáя, / Йову же в терпѣнии послѣдуя, / óтче Филарѣте, / благáя землѣи раздѣлял еси неимúщим / и лишѣние сих терпѣл еси мýжественне. / Сегó рáди свѣтлым ты венцѣм увенчá Подвигополо́жник, Христóс Бог наш, / Егó же моли́ спаст́ся душáм нáшим.

Ин тропáрь, глас 8:

Втерпѣнии твоѣм стяжáл еси мзду свою, прáведне, / и в за́поведех Господних совершѣнно пожил, / нищих возлюбил и сих удовóлил еси, / но моли́ся Христý Бóгу, блаженне, / спаст́ся душáм нáшим.

Слава, и ныне, Богорóдичен.

НА УТРЕНИ

На Бог Господь: тропáрь свята́го дважды. Сла́ва, и ны́не, Богорóдичен.

По 1-м стихослóвию седáлен, глас 1:

Землю, яко земледѣлатель, плúгом разсекáя / и с уповáнием семенá повергáя, / плоды́ изрýдны собрал еси, яже, серпóм благотворѣния пожáвши, / в житницы́ Небесныя положил еси, премýдре: / нищим бо разда́л еси щѣдро, / áлчущия питáя и трéбующим подавáя с любóвию, мѣлостиве Филарѣте.

Сла́ва, и ны́не, Богорóдичен:

Преклонíвый Небесá и вселíвыйся во утрóбу Дѣвы / грядѣт плóтию родит́ся в вертѣпе Вифлѣмстем, я́коже писано есть: / да ўзрит́ся яко Младѣнец, младѣнцы животворя́й во чрѣве. / Семý, радующеся, изы́дем ны́не во срѣтѣние вси сердца́ми прáвыми.

По 2-м стихослóвию седáлен, глас 5:

Божѣственнаго Пáвла словесѣм в́ину повинýяся / и дѣлом т́бя исполнѣя, / разда́л еси вся в простотѣ, Филарѣте мѣлостиве, / и милосѣрдовал еси на кийждо день со щѣдростию и весѣлием, / а не от скóрби, ни от нýжды, ниже́ с пощадѣнием, я́коже он повелевáет.

Сла́ва, и ны́не, Богоро́дичен:

Вифлеэме, угото́ви я́же к срѣтению Мари́и Дѣвы и Богома́тере: / се бо грядѣт к тебѣ нося́щая во утробѣ Своей Младѣнца Христа́, / Отцу́ и Свято́му Ду́ху Собезнача́льна, / Егóже родит в верте́пе и по рождествѣ па́ки Дѣва пребу́дет.

По полиелѣи седа́лен, глас 8:

Се терпя́щий лишѣние во всем и уничиже́ние, / простѣц и нищ, в ца́рстем до́ме быва́ет, яко князь, / богáт же, и прѣсны́й царѣм, и сла́вен пред все́ми явля́ется, / яко́в же бе и прѣжде, нра́ва ра́ди и жити́я непоро́чнаго.

Сла́ва, и ны́не, Богоро́дичен:

Дѣвы, предначни́те ра́дование Дѣвы, / ма́тери, хвала́ми Ма́терь Христа́ Бога сря́щите, / волсвѣ́, со звездóю преды́дите, па́стырие со Ангелы, воспóйте: / грядѣт бо Дѣва во гра́де Вифлеэме родити Сы́на. / Ея́же моли́твами, Бо́же, спаси́ нас.

Степѣнна, 1-й антифóн 4-го глása. Прокíмен, глас 4: Весь день мѣлует и взаи́м даѣт пра́ведный, / и се́мя его во благословѣ́ние бу́дет. **Стих:** Что возда́м Го́сподеви о всех, я́же воздаде́ ми? **Ева́нгелие от Матфе́я, зачáло 16.**

По 50-м псалмѣ стихира, глас 2:

Благотвори́й от Бо́га есть, / глаго́лет Богослóв, / и ты у́бо от Бо́га еси, мѣлостиве Филарѣте. / Якоже бо Бо́жие есть, та́ко и твое бысть дѣло, / е́же благоде́яти, / Того́ у́бо по естество́у, твое́ же по причáстию.

Канóн свята́го на 8, глас 1.

Песнь 1

Ирмо́с: Хри́сто́с ражда́ется — сла́вите! / Хри́сто́с с Небѣс — сря́щите! / Хри́сто́с на землѣ — возно́ситеся! / По́йте Го́сподеви, вся землѣ, / и весѣ́лием воспóйте, лю́дие, / яко просла́вися.

Недоумѣ́нным язы́ком и устна́ми / хвалу́ крáткую прино́ся твоему́, Филарѣте, Богоподража́тельному жити́ю, молю́ тя: / яко мѣлостивы́й, Спа́са и Бо́га мѣлость испроси ми твои́ми моли́твами.

Укрепляема ты сілою Духа, / ничтоже от дольних преклонити ты возможе, / горе взирающа присно умом / и вожделевающа непрестающее улучшить блаженство.

Благодать Духа, обрети сердце твое таковое, якое же угодно есть ей, / вселися в не и обитает в нем, / неоскудный воистинну в нем являя милости источник, / добродетели же всякия вместилище, досточудне.

Богородичен: Безсеменне во чреве прияла еси Слово, единого от Троицы, Всенепорочная, / и Сего по плоти родила еси, пребывши по рождестве, якоже прежде рождества, Дева. / Сего, яко Сына Твоего и Бога, о нас присно моли.

Песнь 3

Ирмос: Прежде век от Отца рожденному нетленно Сыну / и в последняя от Девы / воплощенному безсеменно, / Христу Богу возопийм: / вознесый рог наш, / Свят еси, Господи.

Прежде век от Отца неизреченно рожденного Сына / и в последняя от Девы воплощенного безсеменне Христа подражатель быв, / по достоинию Христоподражательный глаголешия, Филарете.

Велие твое, блаженне, милосердие Господа возвесели: / напитал бо еси алчуща, одеял еси нага, / странна ввел еси в дом твой / и немощна радетьельне посетил еси, святе.

Вся страна Пафлагонская веселится днесь, чтущи твою память всечестную, / Амния же пеленами твоими хвалится, вопиючи: / возвеличихся и аз тобою, святе Филарете.

Богородичен: Святейшая Ангел и всея твари великаго Отцаго Совета Ангела днесь раждает плотию / во спасение всех, поющих Ему непрестанно: / Свят еси, Господи.

Ин кондак, глас 4:

Добродетельми украшаяся и страхом Божиим, / предивен во всех явися Царскаго града *, /

* Царскаго града — Царьграда, Константинополя.

нищим сокровище богатства раздав / и нетленно
 благих богатство на Небесех прием. / Темже всюду
 и везде, Филарете, чтущих тя поминай, / славо
 праведным и похвало.

Седален, глас 8:

Милостинолюбный помысл восприяв, / благосо-
 страдателен явился еси нищим и нуждающимся,
 всеблаженне, / сего ради звание, деянию сродное,
 у всех носиши, верно чтущих тя. / Темже и
 Податель благ велиею милостию помилова и
 славно прослави тя, милостиве Филарете. / Христа
 убо моли грехов оставление даровати / праздну-
 ющим любовью святую память твою.

Слава, и ныне, Богородичен:

Рождества Христова предпразднственная со-
 вершающе, вернии, торжествуим / и достойне
 вси предусрящим, якоже волсви, дароносяще
 добродетели / и поюще Ангелов песнь новую / от
 Девы Богоотроковицы в Вифлееме без семене
 раждающемуся Богу нашему, / Егоже славят всяче-
 ская.

Песнь 4

Ирмос: Жезл из корене Иессеова / и цвет от него,
 Христэ, / от Девы прозябл еси, / из горы, Хвальный,
 приосененныя чащи / пришёл еси, воплощся / от
 Неискусомужныя, Невещественный и Бóже. / Сла-
 ва силе Твоей, Господи.

Хранитель заповедей Христовых был еси тща-
 тельнейший и исполнитель непостыдный: / Бóга
 бо от сердца и брата, яко себе самаго, возлюбил
 еси, / обоим отдавая, всеславне, подобающая.

От Бóга изреченное за преслушание Адаму
 осуждение: / в поте лица твоего снеси хлеб
 твой, — / обнося в помысле, смиренне землю возде-
 ловал еси, / яже и подаваше тебе потребная к
 житию обильне.

Избавление души мужа — своё ему богатство,
 глаголет притча. / Но, о, мужества! / ты отдал
 еси последняго от двою вола ближнему твоему /
 и сего ради поносимый от супруги твоея, яко не-
 разумный и неключимый, / благословениями той
 воздал еси.

Богородичен: Ты войстинну вы́сшая челове́ков и А́нгел честне́йшая, Богородице Де́во, яви́лася еси: / вся́ческих бо Творца́ во чре́ве прия́ла и родила́ еси без се́мене, / благоволи́вшего вчелове́читися от Тебе́ во спасе́ние душ на́ших.

Песнь 5

Ирмос: Бог Сый ми́ра, Оте́ц щедро́т, / Вели́каго Совета́ Твоего́ А́нгела, / мир подава́юща, посла́л еси нам. / Тем, Богоразу́мья к све́ту наста́вльшеся, / от но́щи у́треннююще, / славосло́вим Тя, Человеколю́бче.

Скор сый в разда́нии и ми́ловании, / отдава́л еси и послед́няя твоя́ тре́бующим, / те́мже Ева́нгилию Христо́ву войстинну последовал еси, / подража́я в милосе́рдии Отцу́ Небе́сному.

Слы́ша стро́птивая словеса́ жены́ и ча́д твои́х, укоря́ющих тя за милосе́рдие, / благоду́шне терпел еси, всеблаже́нне, я́коже Йов, / оба́че и предрекл еси им, я́ко прови́дец, / от Бо́га воздая́ние благотворе́ния твоего́, сла́вне.

Объе́млется печа́лию и го́рестию мно́гою со ча́ды супру́жница твоя́, / слы́шащи глас дои́лицы, ю́ницу свою́ зову́щия, / ты же, безпеча́лен пребыва́я в лише́ниях, / о прося́щих тя слéзно па́че боле́зновал еси.

Богородичен: Спаси́тельный кров и всех ра́дование, предва́ряющая ско́ро и спаса́ющая, / умилосе́рдися и ны́не, взыва́ем к Тебе́, Чи́стая, / о нас, призыва́ющих Тя всегда́ во обстоя́нии: / предста́тельства бо у Бо́га ина́го равномо́щнаго не ймамы.

Песнь 6

Ирмос: Из утробы́ Ио́ну младе́нца изbleва́ морский зверь, / я́кова́ прият; / в Де́ву же все́льшееся Сло́во / и плоть прие́мшее про́йде, сохра́ншее нетле́нну: / Е́гоже, бо не постра́да истле́ния, / Ро́ждшую сохра́ни невре́жденну.

Благонаме́рения твоего́ неизме́нность ве́лие есть войстинну соверше́нство: / шеству́я бо в жити́й путе́м ца́рским, / вшел еси со дерзнове́нием в Ца́рствие непреста́ющее, / иде́же соца́рствуеши ве́чному Царю́ Сла́вы, ми́лостиве Филаре́те.

Ино́го Авраа́ма пока́за тя ми́рови ве́ра вкупе и человеколю́бие твоё: / боголю́бне бо ко всем благо́е расположе́ние явля́л еси, / доброхо́тне же всем тре́бующим подава́л еси. / Сего́ ра́ди богáтне возда́ше тебё Бог в де́лах твои́х.

Что ми зláто, что ми богáтство, / сла́ва же и вся земна́я мимотеку́щая? / Ничто́же суть вся́ко, понё-же в ничто́ обраща́ются, / многолю́бёзно же ми еди́но богáтство Небе́сное, всегда́ пребыва́ющее, — / Филаре́та язы́к провещава́ше.

Богоро́дичен: Недр не отлучи́вся Безнача́льнаго Родите́ля, / Сын безма́терний во утробу Чисти́я Де́вы вселя́ется, / без отца́ воплоща́емь, Царь пра́вды, Бог. / Того́ род стра́шен, неисповеди́мь и неизсле́димь.

Конда́к, глас 3.

Подобен: Де́ва днесь:

Истинно всеизря́дная твоя́ кúпля зрѣтся / и му́дрюю бы́ти сýдится все́ми благому́дрству-ющими: / отдал бо еси до́льняя и кратковре́менная, взыску́я Го́рних и ве́чных. / Те́мже и досто́йно стяжа́л еси ве́чную сла́ву, ми́лостиве Филаре́те.

Икос:

Господа услы́шал еси, во Ева́нгелии законопола-га́юща: / прода́йте имения ва́ша и да́дите ми́лостыню, / сотвори́те себе влага́лица неветша́юща, сокрови́ще неоскудева́ющее на Небесе́х, / иде́же ни тать кра́дет, ни моль истлева́ет. / Сего́ Божественнаго и к соверше́нству возводя́щаго законоположе́ния ре́вностный исполнѣтель был еси: / прода́л бо еси́ вся и дал еси́ ми́лостыню, / сотвори́л еси́ себе влага́лица нетле́нна / и сокрови́ществовал еси́ сокрови́ще на Небесе́х некра́домое. / Сего́ ра́ди и блаже́нствуеши со благослове́нными Отца́ Небе́снаго, / яко наслѣдник от сложе́ния ми́ра угото́ваннаго Ца́рствия, ми́лостиве Филаре́те.

Песнь 7

Ирмос: О́троцы, благоче́стию совоспита́ни, / злочестѣваго велѣ́ния небре́гше, / о́гненнаго преще́ния не убо́яшася, / но, посре́ди пла́мене стоя́ще, по́яху: / отце́в Бо́же, благослове́н еси́.

В тебе, не то́чию не изменшемся от диаволя нападения, / но па́че в добродетели укрѣпльшемся, Филарѣте, / войстинну Христос просла́вился, / враг же, искуша́яй ты, постыде́ся. / Сего́ ра́ди взыва́л еси́: / Бо́же, благословѣн еси́.

На предложѣние твоѣ, блаженне, призира́ет Христос / и возда́ет ти мно́гими благи́ми пер́вее, по искуше́нии же и бо́льшими. / Сего́ ра́ди и взыва́л еси́: / Бо́же, благословѣн еси́.

Нрав твой страннолюбиво́му нраву Авраа́мову подо́бится, блаженне Филарѣте: / ты бо, я́коже той, пúтники не оставля́л еси́ мимоити́, / но сам во срѣтѣние им текл еси, взыва́я: / Бо́же, благословѣн еси́.

Богородичен: От всех приѣмлющи проше́ния, Богородице, / моли́ся Сы́ну Твоему́ и Бо́гу от всех зол изба́виться нам, / чтúщим Тя и ко Го́споду взыва́ющим: / отце́в Бо́же, благословѣн еси́.

Песнь 8

Ирмос: Чúда преестественнаго / росодательная изобрази́ пещь образ: / не бо, я́же при́ят, палит ю́ныя, / я́ко ни́же огнь Божества́ — Дѣвы, / в Ню́же вни́де утробу. / Тем, воспева́юще, воспойм: / да благословит тварь вся Го́спода / и превозно́сит во вся ве́ки.

Гостеприѣмство твоѣ, мило́стиве, чúда бысть войстинну ви́новно, / егда́ благоприя́тен показáся невестоводителем царя́ / и самому́ царю́ Христоимѣ́нному вну́ки твоея́ образ. / Сего́ ра́ди и жребий́ благи́й устро́ися ей / кúпно с тобо́ю Бо́жии́м смотре́нием, вся пра́влящим.

Глаголы мýдрости, отче, при́ял еси́ во глубинú душй́ твоея́, / сего́ ра́ди от блага́го сокрови́ща сёрдца твоего́ блага́я плоды́ изне́сл еси́. / Тѣмже восприя́л еси́ блага́я и в животе́ твоѣм, / быв срóдник царѣв сла́вный и богáтый, / по успѣнии же твоѣм Цáрствие Небѣ́сное насле́довал еси́.

Вели́ка и́стинно показá ты ра́зума твоего́ и́стина, блаженне, / а не от человек сла́ва и свѣтлость привре́меннаго досто́инства, / я́ко при́сно пребы́вающих взыску́я, к тем вся́чески стреми́лся еси́. / Тѣмже ты восхваля́ем, Филарѣте Богомýдре.

Богородичен: Страннаго событія образ показá купинá,/ неопáльно горящая дрéвле на горé Синáи,/ та́инство рожде́ства Твоего́ прообразу́ющи, Пренепоро́чная Дéво:/ огонь бо в Тебé Божества́ всельши́йся невреждённу Тя сохрани́./ Сего́ ра́ди Тя поём во вся вéки.

Песнь 9

Ирмос: Та́инство стáнное ви́жу и преслáвное:/ Не́бо—вертéп, престóл Херувíмский—Дéву,/ я́сли—вместíлище,/ в нíхже возлежé Невместíмый—Христóс Бог,/ Егóже, воспева́юще, велича́ем.

Чудесы́ Бог прославля́ет и кончи́ну твою́, Филарéте:/ прикоснове́нием бо ко грóбу твоёму́ прогоня́ется дéмон,/ стужа́яй от рожде́ния ни́щему,/ всегда́ тобо́ю мíлуемому, сострада́тельны.

Предрека́еши, я́ко иный Иа́ков, ча́дом твоим иму́щая бы́ти,/ кúпно же и законополагáеши им мíлостивым бы́ти, я́коже ты;/ íхже и благословя́, пре́дал еси в ру́це Бóжии святу́ю твою́ ду́шу, блаже́нне.

Приими́ от нас, Филарéте, я́ко досто́йную, сию́ песнь малобде́нную,/ я́коже и Христóс прият вдови́цы две лéпте,/ и испроси́ нам, всеблаже́нне, у Христа́ Бóга нашего́ ве́лию и богáтую мíлость.

Богородичен: Спасéся вся тварь Рождество́м Твоим,/ и отъя́ Господь плач и рыда́ние, и всяку слéзу/ от всякаго лица́, Чíстая Богороди́це, Всенепоро́чная,/ те́мже досто́йно ублажа́ем Тя, Ангелов и челове́ков Ра́досте.

Ексапостила́рий:

Филарéта па́мять мíлостиваго, ве́рнии, почтíм досто́йно,/ я́ко долгов оставле́ние и разреше́ние согреше́ний/ того́ моли́твами улуча́ем вси.

На хвалíteх стихíры, глас 8:

Отче мíлостиве преподо́бне,/ ты, Бóга от души́ возлюбив,/ был еси испо́лнитель за́поведи,/ ю́же пёрвою и бо́льшую Господь нарече́:/ войстинну бо пёрвее и па́че всего́ подобáет любíти Бóга,/ вся ви́димая и неви́димая из ничегó премудро сотвори́шаго.

Отче всехвальне, / ты, яко себе самого, ближняго возлюбил еси, / сего ради исполнил еси заповедь, / яже вторая, но подобная первой, полагается, / яко от сея исходящая и к сей обращающаяся. / Любяй бо Бога, глаголет Богослов, да любит и брата, / еже ты делом показал еси.

Делы всяческими показал еси, / яко истинную к Богу и ближнему, Филарете, любовь стяжал еси в сердце, и теплоту, / наипаче же явил еси сие готовностью подавать нищим, / в нейже познавается и начертывается любви к Богу и ближнему.

Воистинну достойно имени твоего пожил еси на земли, Филарете, / начертав в сердце твоём, блаженне, добродетели: / мужество, и правду, и мудрость, и воздержание. / Сего ради достойным ныне на Небесі / наслаждаешься воздаянием жития твоего, славне.

Слава, глас 8:

Приидите, добродетели любителие вси, / духовный лик составльше, / Филарета милостиваго ублажим, / сокровище убогих, питателя алчущих / и помощника неоскуднаго нуждающихся. / Сей бо, яко живописатель некий изрядный, / взирая присно на первое и господственное благо, / еже есть Бог, и в себе самом яко некое начертание и подобие благодати живописав, / всех благодворя, милует. / Сего ради и имя достойно прия, / и Божественнаго блаженства праведно сподобися: / блажени бо милостивии, / яко тии помиловани будут, / глаголет милостивый Избавитель и Спас душ наших.

И ныне, глас тойже:

Светися, Вифлееме, граде Божий, / Свет бо незаходимый в тебе родится грядет. / Ангели, удивитесь на Небесі, / человецы, прославите на земли, / волсви, от Персиды троичный дар принесите, / пастьерие, свиряюще, трисвятую песнь сладце воспойте. / Всякое дыханіе да хвалит Господа Вседетеля.

Славословіе великое.

НА ЛИТУРГИИ

Блаженны от канона, песни 3-я и 6-я. Прокимен, глас 4: Праведник, яко финикс, процветет, / яко кедр, иже в Ливане, умножится. Стих: Насаждени в дому Господни, во дворех Бога нашего процветут. Апостол к Колоссаем, зачало 258. Евангелие от Луки, зачало 26. Причастен: В память вечную:



Ина служба святого праведного Филарета Милостиваго

ВЕЧЕР

На Господи, возвах: стихиры на 6, глас 4:

Расточив, раздал еси требующим / хлеб твой, Филарете, / милостию подобяся милостивейшему, блаженне, Владыце, / тем твою пребывает истинно во век память, святе, / юже верою празднующая / твоими молитвами спасай / и искушений и скорбей, досточудне всебогате.

Вся прошения твоего сердца / Господь, Богоблаженне, подаде, / вся бо соблюл еси / законоположения спасительная, / Бога бо всеконечно и ближняго, / яко себе самого, возлюбил еси / и требующия удоволил еси, / сего ради ты днесь, Филарете, почитаем.

Милости Датель, / одарив милостивное, / праведниче, твое помышление, / помилова многия Божественным твоим ходатайством, / был еси во утешение душ / о нищих промышление, / Филарете всеумдре, Богоблаженне преподобне.

Милостию милость стяжал еси, / расточивши, раздал еси убогим, / правда твоя пребывает вечно / и иже от сея приобретение тебе неветшаемое, / Филарете блаженне, / тем ты чтим и ублажаем.

Милования твоего богатство, / якоже река, бысть, / напаяющи всякая нищих сердца, / Филарете славне, / богатство некрадомо обрел еси на Небесех неистощимое.

Божественная повеления совершаючи со тщанием, / расточив, раздал еси / хлеб твой нищим, / последовал еси Христу, распеншемуся плотию, / Единому Богу нашему.

Слава, глас 2:

Милости источник / требующим умножает / благосотрадательныя щедроты, / Христов подобник, / светило Пафлагонии, / приидите, насытимся, нищии духом, / подражаючи того милосердию / любоблагоутробным нравом, / Христа странствовавшего чрез нищия угостив, / яко древле Авраам, / блаженства удостоися / и со дерзновением молится о душах наших.

И ныне, Богородичен: Прейде сень законная:

На стиховне стихиры, глас 8:

Многое милосердие / милосердаго Господа, отче, подражая, / за милосердие обнищавшаго плотию, / нищия удоволил еси, / странныя и безкровныя ущедряя, / исполнитель повелений Божественных был еси, / Филарете Богомудре.

Стих: Возвеселится праведник о Господе / и уповает на Него.

Заповедей Господних, Филарете, / непостыдный был еси делатель, / Всещедрому подражая, / исполнитель благих Его, / ныне в селениях святых водворяяся.

Стих: Блажен муж, бойся Господа, / в заповедех Его восхощет зело.

Многое милосердие твоё, Филарете, / Господь внимая благосердый, / душу твою обогати нищелюбием, / пророчествуеши будущее, / жизни премьерныя сподобился еси.

Слава, глас 8:

Милостив нрав приим, / благосерд явился еси / и подателен нищим и требующим, / Филарете блаженне, / сего ради званием, деянию подобно, / обогати тя зело / Податель благих Христос, / Ему же, праведниче, молися / грехов оставление нам подати и велию милость.

**И ныне, Богородичен: Безневѣстная Дѣво:
Тропарь, глас 8:**

В терпѣнии твоѣм стяжал еси мзду твою, ѡтче преподѡбне, / в молитвахъ непрестанно терпѣвый, / нищия возлюбивый и сия удовлѣивый, / но молися Христу Богу, Филарете милостиве блаженне, / спастися душамъ нашимъ.

НА УТРЕНИ

По 1-м стихословии седален, глас 3:

Добродѣтелей твоихъ, Богомудре Филарете, исправлѣние уясниша верныхъ сердца: / кто бо безмерному твоему смирѣнию не удивится, / еже ко всемъ тихости, / к скорбящимъ милование, сущимъ в бѣдахъ скорое поможѣние, / вся боголѣпно предвари, досточудне, / и ныне неувядаемымъ венцемъ венчался еси отъ Бога, / Егѡже моли спастися душамъ нашимъ.

Слава, и ныне, Богородичен:

Спаси мя, рождшая всехъ Избавителя и Благодѣтеля, / разори души моея облаки, / Свѣта облаче, Святая Владычице, / и сильна содейлай на страсти, борющия мя.

По 2-м стихословии седален, глас 8:

Имѣя душу милостиву, и чист помысл, и сердце бодро, / веру неблазненну, любовьъ нелицемерну, / от земли преставился еси къ Небеснымъ и с лики праведныхъ водворяешися, / темже ты почитаемъ священными пѣсньми / и благочестно вси славимъ, Богомудре Филарете.

Слава, и ныне, Богородичен:

Мудрость Ипостасную, и Слово Пресущное, и Врача всехъ порождшая, Дѣво, / струпы и язвы души моея исцели, / лютыя, и многовременныя, и страстныя утоли сердца моего помышлѣния.

Канѡн, глас 8.

Песнь 1

Ирмос: Посѣченный несекомаго пресечѣ, / и виде солнце землю, юже не виде, / лютаго врага вода потопи, / и непроходимое пройде Израиль. / Песнь же воспѣвашеся: / Господеву поимъ, славно бо прославися.

Любовию Христовою, отче, озаряем и состраданием ума просвещаем, / единого милостиваго Бога приятелище чистейшее был еси, Филарете, / тем ты ублажаем.

Мудрым смыслом смотря в присно пребывающее, отче блаженне, / изменил еси тленная во веки нетленными / и ныне на Небесех живещи, с Безплотными вопиеша: / славно бо прославися.

Был еси, отче, во утешение всех скорбящих о нихих промышление, / милости Датель бо одари милостивным ты промышлением, / и с Небесными лики вопиеша: / славно бо прославися.

Богородичен: Благословенная, Чистая и Всепетая, / едина, рождающая воплощеннаго Бога, приснотекущий Источник нам, / моли, Егже родила еси, даровати миру велию милость.

Катавасия: Христос раждается:

Песнь 3

Ирмос: Небеснаго круга Верхотворче, Господи, / и Церкви Зиждителю, / Ты мене утверди в любви Твоей, / желаний краю, верных утверждение, / Единому Человеколюбче.

Причастием, еже к Богу, преподобне Филарете, свет был еси / и к Немю отлучился еси, блаженне, желанием крайним, / благим надеждам своим исполнение приял еси.

Желанием, еже к Богу и к ближнему распалаем, / мирское пристрастие отринул, / Христа во образе нищих возлюбил еси, Филарете славне, / стезю любви спасительную прошел еси, радуясь.

Богатство и славу временную, мудре, / и пищу мимотекущую, и мирское достойное мужественно отринул еси, / обогатився вечным нетленным богатством.

Богородичен: Красную, и избранную, и всечестную разумев Тя, / Сын Божий, Пренепорочная, Сын Твой бысть, / сыны сотвори благодатию, Богородице, чтущия Тя.

Катавасия: Прежде век:

Седáлен:

Явѣлся еси чуден в терпѣнии твоём, / всячески Христу́ угодѣл еси, блаженне мѣлостиве Филарѣте, / мѣдрю мѣслию утвердѣл еси дѣшу твою, / благий нрав стяжал еси, обогатѣлся Небеснымъ воздаянием, / сего́ ради молимъ тя: / моли Христа́ Бога спасти дѣши наша.

Слáва, и ны́не, Богородичен:

Тя величаемъ, Богородице, вопиюще: / Ты еси, Благословенная, / из Тебѣ бо неизреченно роди́ся Христосъ, Спас душъ нашихъ.

Песнь 4

Ирмос: Услѣшахъ, Господи, / смотре́ния Твоего́ таинство, / разумѣхъ дела́ Твоя́ / и просла́вихъ Твое́ Божество́.

Усѣрдно возлюбѣл еси́ ближняго, о себѣ нерадѣв, / упованіе возлагая́ на Вышняго, / в надежде не посрамѣлся еси́.

Мно́гия твоя́ щедроты́ Госпо́дь приѣмлетъ, блаженне Филарѣте, / подража́тель бо явѣлся еси́ Всеми́лостивейшему / и от Него́ прия́л еси́ стори́чное воздая́ние.

Исполнительъ был еси́ Христо́выхъ словѣс, в Евангелии рече́нных: / блаже́ни мѣлостивии, — сихъ непосты́дный де́латель явѣлся еси́, / сего́ ради ны́не в Небесныхъ кро́вехъ водворя́еши.

Богородичен: Очище́ние нашихъ неведе́ний, яко Безгрѣшенъ, / и умири́ мир Твой, Бо́же, / моли́твами Ро́ждшия Тя.

Катава́сія: Жезл из ко́рене:

Песнь 5

Ирмос: От но́щи неведе́ния / Боговеде́ниемъ просветѣ́вый концы́, / просветѣ́ мя ў́тромъ человеколю́биа Твоего́, Господи.

Блаже́нства А́нгельскаго удосто́ился еси́, / кро́ток, сострада́тельнейший, и а́лчущихъ хлебъ неиждива́емый, / и ни́щимъ пода́теленъ, Филарѣте блаженне.

Божѣственными манове́ньми удобря́емъ, / одея́ние наготствѣ́ющимъ явѣлся еси́, Филарѣте, / сего́ ради жи́зни премирны́я сподобѣлся еси́, достосла́вне.

Умертвѣвшемуся за мѣлость мѣртовостию вѣльною, ѳтче мѣдре Филарѣте, подражая, / не поработал еси сему миру, / но, Вѣшнихъ взыскую всюю душею, / на любовь к ближнему подвиглся еси, / того ради и получил еси Небесное воздаяние.

Богородичен: Усты, и помыслом, и сердцем, Пресвятая Богородице, Ты проповѣдуем, / Тобою Богу примирѣхомся, отринувеннии преступлениемъ первее праотца.

Катавасія: Бог Сый мира:

Песнь 6

Ирмос: Молѣтву пролию ко Господу / и Тому возвещу печали моя, / яко зол душа моя исполнися / и живот мой аду приближися, / и молюся, яко Иона: / от тли, Боже, возведи мя.

Мѣлостынею и постомъ упражняйся, присно Бога моля, / Божественныхъ воздаяний сподобился еси, Богомудре Филарѣте, / научаеши паче ума и помысла чистотою.

Ум твой весь к Богу простирая, / непрестанными мѣлостынями плотския любви не пощадѣл еси, / благихъ себе сокровиществовал еси, Филарѣте, присвоение.

Ты, плотскихъ мудрованій вѣшше имѣя помысл, / не уязвился еси красотами мира сего, / безстрастие стяжал еси, мѣдре Филарѣте.

Богородичен: Не претай о нас молящися, Пресвятая Богородице Дѣво, / яко верныхъ утверждение Ты еси, / и надеждою Твоею крепимся, / и любовью Тя, из Тебѣ Воплощагося, непрестанно славим.

Катавасія: Из утробы Иону:

Кондак, глас 2:

Богатство твоѣ расточил еси убогимъ / и Небесное богатство ныне восприял еси, Филарѣте всеблаженне, / сего ради тя почитаем, совершающе память твою, добродѣтели о тезоимените.

Ўкос:

Уповаая на мѣлость Божию, Филарѣте, щедротами от Того и дарми обогатився, / отонудуже явился

еси мѣлостив, яко Он, вся ущедрѣя, / тѣмже, мою нищету ущедрив, подаждь мне богатство твоея молитвы / и алчущее сердце мое исполни благ Божественных, Богомудре, якоже прежде алчущия питал еси, / милости и добродѣтели о тезоимените.

Песнь 7

Ирмос: *Отроцы еврейстии в пещи / попраша пламень дерзновенно / и на росу огонь преложивша, вопиюще: / благословен еси, Господи Боже, во веки.*

Напитал еси, отче, обильно всякаго странна, и нага, и мимоходяща, / с патриархи присно и с праведными ныне радуешися светло, / идеже богатство и сладость, / идеже присносущное спасаемых упование, / идеже всем богатство, Христос.

Словеса Спасова дела известил еси / и ублажаемых сочетался еси лику, / милостив быв и весь духовен, Богоносе Филарете.

Богатному бо твоему внимая произволению, / Творец богатных тебе даде воздаяния, всеумудре Филарете.

Богородичен: *Тя, радость апостолов, страстотерпец славу, / Богородице, молим верою: / радости вечныя сподоби ны, поющия Тя непрестанно.*

Катавасия: *Отроцы, благочестию:*

Песнь 8

Ирмос: *Победители мучителя и пламене / благодатию Твоею бывше, / заповедем Твоим zelo прилежаще, / отроцы вопияху: / благословите, вся дела Господня, Господа.*

Содержим Христоподобною, отче Филарете, Божественною любовью, / миловал нищих и убогих, радостно всегда вопия: / благословен еси в храме славы Твоея, Господи.

Милостынею и милосердием паче всех нареклся еси, / милостив всегда, со отроки вопия: / благословен еси в храме славы Твоея, Господи.

Явился еси краток и милостив, благосострадателен и незлобив, отче, / богатство нищих, одеяние

нагих, поя верно: / благословен еси в храме славы Твоея, Господи.

Троицен: Троицы Светом Невечерним просвещаем, угодниче Троицы, / чтущия тя ныне просвещаети и поющия: / благословен еси в храме славы Твоея, Господи.

Богородичен: Вѣшняго освященное Божественное селение, радуися, / Тобою бо дадеся радость, Богородице, зовущим: / благословенна Ты в женах еси, Всенепорочная Владычице.

Катавасия: Чуда преестественнаго:

Песнь 9

Ирмос: Войстинну Богородицу, / Тя исповедуем, / спасенни Тобою, Дево Чистая, / с Безплотными лики Тя величающе.

Желанием Божественным соединився и воздержанием просвещаемь, / будущих благ в причастие быв, Филарете Богоблаженне.

Всем сердцем, Филарете, Человеколюбца Господа возлюбив и Тому подражая, / от Него лучи благодетельно приим, / ныне со Ангелы ликуети.

Христу, над всеми Богу нашему, непорочным житием благоугодил еси, / требующим богатство расточил еси, / темже и обрел еси на Небесех неистощимое, / моли непрестанно о всех нас.

Вдов и нищих ты Христос покаже приемника, / обидимых заступника и предстателя в бедах, / восхваляем тя, Филарете, отче наш.

Богородичен: Боголепная Дево, / озлобленную душу мою грехом облагодати, / Благого рождающая Бога и Господа.

Катавасия: Таинство странное:

Светилен:

Добродетелию украшен, егда спасительное слово исполнил еси, / расточивши, подал еси тьмы твоего злата нищим и убогим, / тогда Небесное богатство восприял еси, правдою обогатившись во веки, / темже чтим твою память и молим тя прилежно: / моли Зиждителя спасти души наша.

Слава:

Ра́ка, иде́же лежа́т, о́тче Филаре́те, свяще́нныя святы́я твоя́ мо́щи, / исто́чник чуде́с всем, с ве́рою к тебе́ притека́ющим.

И ны́не, Богоро́дичен:

И́же от Бо́га ми́ру да́нных благ Ты вина́ еси, Богоро́дице, / но и ны́не ми́лостива сотвори́ Благоуве́тливаго Бо́га.

На хвалитех стихирь, глас 4:

Пра́веден и незло́бив, / и́стинен же и непо́рочен, / уклоня́ся от вся́кия лука́выя мы́сли, / показáлся еси́, Филаре́те блаже́нне, / просвеще́н добродете́лями и благоче́стием сия́я, / тем тя ублажа́ем / и свято́е твоё и честное́ празднуем успе́ние.

Ми́лость подража́я Бо́га любоще́драго, / тре́бующим бога́тство расточи́л еси, Филаре́те блаже́нне, / тем и бога́тство при́ял еси́ на Небесе́х неисто́щимое, / того́ ра́ди ны́не мо́лимся: / моли́ся непреста́нно о душа́х на́ших.

Блаже́нством Ева́нгельским, я́ко багряни́цею, оде́яся, / наде́ждою бу́дущих, я́ко Боже́ственным венце́м, увязл́ся еси́, / и ны́не Царю́ сил предсто́иши, Иису́су Всеми́лостивому / и Спа́су душ на́ших.

Ми́лостив яви́лся еси́, / кро́ток, благосо́страда́телен, незло́бив, о́тче Филаре́те, / бога́тство ни́щих и одея́ние наги́х возлюбил́ еси́, / те́мже Иису́с Человеколю́бец / всели́л тя во све́тлости святы́х Свои́х.

Слава, глас 8:

На ми́лость Бо́жию упова́в, / щедро́тами от Того́ и дарми́, Филаре́те, обогати́лся еси, / отону́дуже яви́лся еси́ ми́лостив, я́коже Он, вся ущедря́я, / те́мже, нищету́ на́шу ущедри́в, / пода́ждь нам бога́тство моли́твы твое́я, / я́коже ни́щия и а́лчущия пита́л еси́, / та́ко и ны́не моли́ся спасти́ся душа́м на́шим.

И ны́не, Богоро́дичен:

Влады́чице, прими́ моли́твы раб Твои́х / и изба́ви нас / от вся́кия ну́жды и печа́ли.

Праведный Филарет Милостивый жил в VIII веке в городе Амнии Пафлагонской области (Малая Азия). Родители святого, Георгий и Анна, воспитали сына в правилах строгого христианского благочестия и страхе Божиим. У него была жена Феозва и трое детей: сын Иоанн и дочери Ипатия и Еванфия.

Праведный Филарет стал знатным вельможей, но не считал, что земное благополучие — цель его жизни, и часто повторял слова апостола Павла: «Мы ничего не принесли в мир; явно, что ничего не можем и вынести из него...» (1 Тим. 6, 7). Испытывая чувство глубокого сострадания к обездоленным и бедным, праведный Филарет возлюбил Христа во образе нищих, раздавал «малым сим» (Мф. 25, 40) свое богатство и получил прозвание Милостивого.

Измаильяне (арабы) разорили Пафлагонию, и Филарет лишился почти всего имущества: у него остались два вола, корова с теленком, несколько ульев и дом. Праведник радовался бедности, как многие радуются богатству, говорил, что бедному легче войти в Небесное Царство, и отдавал последнее крестьянам: одному — волов, другому — корову и теленка, а когда кончился хлеб, раздавал нуждающимся мед. Кончился и мед, отдавать было нечего — праведный Филарет снял с себя верхнюю одежду и отдал постучавшемуся к нему нищему. Жена и дети упрекали святого в расточительности и безрассудстве. Он кротко утешал их и говорил, что Господь никого не оставляет без помощи, исполняющего Его святую заповедь: «Просящему у тебя дай, и от хотящего занять у тебя не отвращайся» (Мф. 5, 42) вознаградит сторицею. Вскоре друг праведного Филарета прислал голодавшей семье сорок мер пшеницы. По просьбе жены, 35 мер Филарет отделил для пропитания семьи и возвращения долга. Свою часть, пять мер зерна, в течение двух дней раздал бедным. Жена разгневалась и стала питаться с детьми отдельно, тайно от него. Однажды блаженный Филарет случайно застал семью за обедом и сказал: «Дети, примите и меня пообедать

вместе с вами, не как вашего отца, но как гостя и странника».

Через много лет внучка праведного Филарета Мария стала женой византийского императора Константина Порфирородного (780—797). Почести и богатство вновь вернулись к праведному Филарету. Старец попросил устроить особенный обед и сказал родным, что на пир придет сам Царь и вельможи. Когда всё было готово, блаженный Филарет пригласил в свой дом около 200 нищих, слепых, хромых, старых и беспомощных. Родственники поняли, кого ожидал праведный Филарет, веруя, что в образе нищих Сам Господь посетит его дом.

Старец продал дарованное ему императором имущество, а вырученные деньги роздал бедным. Теперь родные не укоряли его, а просили прощения за прежнее нетерпение и ропот. «Мы убили его, — говорили они, — что Господь еще в здешней жизни с избытком награждает тех, кто милует нищего. За милости твои к бедным и нас благословил теперь Господь богатством».

Праведный старец скончался в 792 году, в возрасте 90 лет. В момент его кончины комната наполнилась благоуханием. Завещая детям и внукам подражать его жизни, он, подобно патриарху Иакову, предсказал им их судьбы. Погребен праведный Филарет в обители Суда Родольфия в Константинополе. Множество нищих оплакали блаженную кончину праведника. При погребении святого проявилась особая благодать Божия. Господь показал святость праведного Филарета: одержимый нечистым духом человек припал к его гробу и исцелился.

После кончины святого Филарета Милостивого его жена Феозва возвратилась в Пафлагонию. Состояние свое она употребила на возобновление и построение новых храмов, монастырей, странноприимных домов и больниц для бедных. Затем вернулась в Константинополь, стараясь оставшееся время своей жизни на земле угодить Богу, и мирно скончалась. Погребена она около своего праведного мужа.